

道言元始天尊說經中所言並是諸天上帝內名隱韻之音亦是魔王內諱百靈之隱名也非世之常辭

上聖章

上聖已成

上聖洞合道妙功德已成

真人通玄究微能悉其章誦之十過

十遍爲一過百遍爲十過誦經當以十過爲法

諸天遙唱萬帝設禮河海靜默山嶽藏雲

无出入息也

日月停景

道藏輯要

度人經法

七

九集七

目不瞬也

璇璣不行

脉不息也此亦大定之法

羣魔束形鬼精滅爽

上清文

玄師曰酆都六洞內外一十二宮魔王乃魔靈故曰羣魔此魔壞人善性附人惡事千試學人世有禽畜五行精物化爲鬼魔此輩分形異類神同於人又有外道妖魔及精靈苦爽之鬼化天尊神仙真人惑亂善人道士明詳勿失墜入此流中

迴尸起死白骨成人

玄師曰真人能通玄究微曉達經內大洞祕諱獲十品感應功德此真人之格也

至學章

至學之士

心堅於金石操烈於水火天地不能逾鬼神不能惑行人之所不能行以有若无此太極以下有仙名者

誦之十過則五帝侍衛三界稽首魔精喪眼鬼妖滅爽上清濟文度垂死絕而得生

玄師曰至人學士誦之獲六品功德

所以爾者學士穢炁未消體未洞真召制十方玉清文威未制天

道藏輯要

度人經法

三

九集七

政

天政謂日月五星天文七政

德可伏御地祇束縛魔靈

玉清文

但卻死而已不能更生

學士骨體未真穢炁仍在不能威制天象止獲三品功德此

至士之格也

勸道章

輕誦此章身則被殃

不齋戒沐浴行香誦者獲被殃之罪

供養尊禮門戶興隆世世昌熾與善因緣萬災不干神明護門

玉清文